

# QUÆSTIO MEDICA.

QUOD LIBETARIIS DISPUTATIONIBUS  
manè discutienda in Scholis Medicorum, die Jovis decimā-  
quintā Decembris.

M. HENRICO MAHIEU, Doctore Medico, Dotariæ  
Reginæ Polonorum Medico Primario, Præside.

*An Diaphoretica Remedia, Medicina vis & magna potentia?*

I.

UT stet, valeat, vigeat humanum corpus; aëris, alimenti, somni beneficio potissimum indiget. Sed sicut horum operâ sustentatur, ita vitio & omni contrarietate labefactatur. A cervice sua depulsus homo quidquid ab his damni sibi potest adportari, Medicinæ manus auxiliatrices implorare teetur. Ut ars præstans afflicto subveniat homini, certis innixa regulis, non unum remedium genus adhibet. Medicaminum licet ac ciborum par necessitas, quod ut impleri, sic depleri corpus aliquando postulat; at tamen natura medicaminum evidenter non declaratur. Res hæc ardua, scitu difficilis, cur hoc vel istud mixtum corpora nostra mutet, cur abique ponderis imminutione, vel substantiæ jacturâ manifestâ vitrum autimonii vino vim emericam impertiat: Tam primis, quam secundis qualitatibus Peripateticorum illud ænigma non solvitur. Quot sunt stirpes caloris gradu Rosæ nullatenus inferiores, à quibus, ut à Rosâ fieri amat, non turbatur alvus? centaureum minus, absinthium, amara, sicuti Rheum; Non eundem ac Rheum sortiatur effectum. Nix, calx, Saccharum, candida; Quam dispar illorum conditio! Qui retum semina statuunt atomos, intricata multa, gloriantur à se feliciter extricari. Dicant ii ejus definitæ molis ac figuræ, cujus determinati sitûs ac ordinis particule colocynthidis, quibus alvus *adegreps* subducitur. Anatomici Professores gladio, Chymici Menstruis & igne mixta dividunt. Si quod rei sit ingenue profiteri volueris, his artibus tam celebribus, mixta (superficie tenens) secari fateberis. Hinc tot adhuc partes Animalium ignotæ; Hinc adhuc sub judice lis, an ex verme vel ovo, an ex seminibus parentum procreetur? Menstruis, extrahuntur salia; quantum anceps natura salium! quanta varietas! quanta mutabilitas! Igne vel humide partes Mixtorum eliciuntur, vel mixto comburuntur. Primum opus distillatio est, alterum est calcinatio. Perpende quæ mutatio distillatione mixtis accidat. Ignis impetu mixta distrumpuntur, confusæ partes illorum à se se divelluntur, abripiuntur, exhortâ tempestate partes arborum flexiles simul implicantur, confusæ ligantur, aliis partium ruptis, partim etiam illas. Antimonium in cinerem redigitur, ut à nocivo sulphure repurgeat; paulò post idem sulphur resurgit. Multiplex classis remedium, dissimilis virtus, effectus diversi. Quod nam ex iis Medicinæ vis & magna potentia merito predicari debeat, si ex me scite aveas; paucis dicam, hoc ipsum met esse, quod plurimum & graviorum affectuum causas efficacius demolitur, certius amovet.

I I.

SICUT inter varia variarum artium instrumenta, quædam plus aut minus valent ad operis complementum: sic in Medicinâ majoris aut minoris efficaciz remedia sunt, ad curationis opus absolvendum. Opium valde commendatur, quod spiritus effrænes frenat, reprimat humorum æstuantium seditiones, expetitur diu somnum conciliat. Mira præstat Peruvianus cortex, quod exultantia febrium intermittentium fermenta domat. Brasilensis radice virtus omni laude major, quæ dysentericos mitigat cruciatu. Hæc præsidia *et diu xieus* jure vocare potes, ob beneficia quæ mortalibus conferunt. Quoniam tamen hæc certis tantum usibus peculiariter addicta, primum utilitatis inter remedia locum non tenent. Malleus fabri feratru præcipuum est instrumentum, quod artifex ab eo semper ubique juvatur. Quid ni pariter aliquod sit in Medicinâ remedium, quod usu constanti, virtutibus eximjis maximè celebretur? Laus remedium ex effectis. Quæ plus

profunt, quæ plura possunt, ea palmam referant oportet. Nulla potest obtineri salus, quin causa morbi fugiat venis. Causa morborum vel singularis, vel communis. Quamlibet singularem definire, vix possumus. Vulgò sic facit, ut *deus*  $\pi$  morbis inesse, testetur Hippocrates. An divinum istud, Hippocrati ignotum, principiis chymicis in lucem num eductum sit, problema est Doctorum examine dignissimum, cuius parti faveas, tibi adversabimur. Communem si quæras causam nil te moror, hæc obstructio est. Quæcumque nos angit perturbatio, miser illius fœtus. Dum viz bili non patent ad receptaculum, ecce flavus nascitur icterus. Niger erit, si jamà lienis oclusus, pars sanguinis fusca non expurgatur & fertur ad hepar intracta & illibata. Dum aut externæ, aut internæ pleuræ vasâ crassâ & tenax sanguis liberè non præterfluit: hinc angustia pectoris, quas pleuritidis excipit. Si polypus in ipso limine cordis, si in pulmonibus vomica fuerit, præcipiti fati, periculum est. Si nervosus latex, qui suapte naturâ tam subtilis, ut sensum fugiat, in nervo optico concresecat, in æternam noctem lumina clauduntur. Idem esto iudicium de cæteris affectibus. Ad nocendum & necandum promptiores cogita, non alio de fonte manant. Ipsa met venena seu sanguinem solvere, seu confringere dixeris, similiter occidunt. Ex presso lacte serum licet luxuriat, durum superest semper coagulum. Ex simili sanguinis relicto coagulo, obices pertinacissimi profuerunt. Quapropter ascites, quamvis molem sanguineam penitus liquer, non solum ad hepatis & lienis obstructione sit, teste Hippocrate &c. Morbi non curantur, nisi sublatâ causâ. Quantum igitur in se est, tantum eniti debent Medici, sint expedita vasâ, quò sanguis eat, redeat commodius. Ut humanæ salutis vindices finem hunc assequantur, hoc opus, hic labor. Quandoque partibus gluten, ut parietis clavus inhaeret. Sic fœx indurescit, ut æream duritiem acquirit. Quoties à non nullis rursi, solida, sicut lapillus, materies redditur: quor apud Arthricos topi, lapidum æmuli videntur: Præterea retentum virus in recessibus tam abditis delitescit, ut vis remedium efficeat vix acne vix quidem eod pertineat. Quapropter gutta serena penetrabilis Mercurii vim eluidit. Paralysis, nervorum flagellum, vix tollitur. Arthriticus fomes ex putri sale medullæ natus, non extrahitur. Remedium, quod attenuat, id quod crassum; quod viscidum incidit; quod movet, id quod velut immobile; quod in distantibus partibus abditum, attingit; hoc inter remedia generosissimum est. Sicut pulvis nitro-sulphureus accensus vim agentium fortissimorum æquar, vel etiam superat, qui matresiam caute eruit, diruit aeneas turres: Sic illud ex omnibus nobilissimum haberi debet præsidium, quod plures & maximè rebelles affectionum causas pessumdat, eliminat.

### I I I.

**A**LIMENTORUM & Remediorum oppositos effectus experimur. Alimenta mollicie parium, palato sapiunt, dulci fragrantia naribus sunt admodum accepta. Suis, vel ascitis fermentis, cum iidem nostris ventriculi fermentis bene conveniunt. Balsamici, quas habent, partibus, sanguinis molem amplificant, sique substantiam perditam reparant. Cum istis effectis, effecta remedium si conferantur, obscura & abstrusa remedium natura potest reteggi, potest dilucidari. Quoniam in corporibus nostris crassa, liquida, & tenuia congeruntur excrementa; quas necessariò sunt vacuanda; quum naturæ molestias creant: triplex indè remedium genus celeberrimum, scilicet Catharticum, Diureticum, Diaphoreticum. Hæc tria  $\chi\tau$  *συνπλεγμα γένεα* quod inutile, quod insensum vehunt. Cathartica & diuretica, communem habent motum ex peripheriâ ad centrum. Diaphoretica singulari ac proprio motu, ex centro ad peripheriam quos concitant humores, deportant. Purgantia vel *διὰ*, vel *κατὰ* deiciunt. Emeticorum à cæteris in eo discrimen; quod eorum partes aliores, quod eorum fermenta stomachi fermentis minus amica. Hinc stomachi fibras, nervos, membranas malè omnino afficiunt, trahunt & retrahunt, in spasmodicos motus agunt, quibus ventriculus vexatus subvertitur. Purgantia minus feriunt stomachum, innocentius præterfluunt, excurrunt ad intestina citius. Ibi sive partibus mucronatis, sive igneis, sive salibus, quibus donata sunt acris, dum tunicis intestinorum affiguntur, quasi calcariis additis, tendines agitant, sique peristalticum motum augent, instar saponis, pannorum sordes eluunt, quidquid turpe, cænoium abradunt, evertunt, avellunt. Nec satis, hæc eadem lacteas venas pervadunt; hinc quod ex chyllo lac, vim purgantium retinet. Dum intestina, Mezenterium, Epiploon, iisque adjunctæ partes succutuntur; concussionem, partium ad partes, allisione, & ipsâ compressione, sicut ex uvis torculari subjectis liquor: sic ex glandulis & vasorum extremis humor exprimitur. Ne remeie credas, quod quivis humor medicamentis expellatur. Panni particulas non aufert sapo, putredinem solum abripit. Per quodvis cibum, omne genus grani minimè trajicitur. Per chartam bitulam purpurea vini rubri partes non omnes omnino effluunt. Quod si major hujus aut illius succi quantitas epoto medicamento rejicitur; Id à copiâ regurgitantis humoris, id ab affectione potiorum est. Diuretica nec ventriculo nec intestinis nocent, licet salibus acutis imprægnata vim suam in arteriis emulgentibus, in ipsis Renibus exerant. Enis vaginâ conclusus à fulmine frangitur funditurve, illasâ vaginâ. Communis quedam est officii ratio Diureticorum & Diaphoreticorum. Licet hæc ambo simul conveniant, texturâ partium & aliis discrepant. In Diaphoreticis tenuitas, mobilitas, vis penetrandi major deprehendi-

tur. Hæc vis diaphoreticorum æmula lucis, quàm latè diffunditur, quàm celeritèr expanditur tunc hæc à sole decisa & decidua materies, vere novo glebas inertes resolvit, torpencia stirpium semina fuscitat, æstrum in animalibus venereum extinctum accendit, indurata gelu flumina liquefacit; sic diaphoretica segnes spiritus, lentum ac pigrum sanguinem agitant, occlusa patefaciunt vasa, concretos fundunt humores, impedimenta quævis in partibus congesta remonent. Quibus velut Herculeo clavo monstra, causæ morborum insensibilium penitus atteruntur, penitus debellantur.

## I V.

**O**S nobis unicum, per quod alimenta ventriculum subeunt. Immenus est pororum numerus, per quos reliquæ ciborum deturbantur. Tot mutationes alimentis eveniunt, priusquam alendis partibus uniantur: ut ostia ampla, nec satis opportuna videantur, ad exclusionem partium heterogenearum, ex coctionibus superstitum. Licet hæ partes inutiles, omni fibrarum & musculorum motu perenniter depellantur: semper aliquæ fœces resistunt in vasis. Cum certo loco cumulari disunguntur à reliquis humoribus recrementa, neque communi cum iis motu feruntur: Indè quantæ perturbaciones, quantæ calamitates? Quod maior aut minor est vasorum occlusio, eò maior aut minor in hac referendâ labor: morbus indè gravior aut levior, longior aut brevior. Hinc tertiana febris simplex brevi finitur. Contrà vix anni decursu quartana judicatur. Pertinacia, diuturnitas, gravitasque morborum præ cæteris à situ partis proficiscitur, in quo somes sedem posuit. In locis à publicâ viâ distantibus tenaciores insæctus colliguntur. Si nisi tollantur, nulla spes salutis. Secta vena corpus liberat à nimio pondere succorum. Id quidem verum. Nec minus verum, quod ex sectâ venâ intemperantiûs, spiritus exhauriuntur, à quibus omnis sensus & motus. Cum spiritus numero pauci, viribus carent, impares sunt fortioribus repagulis deiciendis. Si vinum annosum, si effatum, tartari vix sit separatio. Levia cathartica, leviter affectis tantum utilia. Centiès repetita quid prosunt, in morbis chronicis aut perduellibus? horum virtus ad remotas partes non pervenit. Has saltem non succurit, ut par est ad explosionem sarcinæ. Sic quadam æqualitas oportet inter agens & patiens. Emetica quantum stomacho tumultus adportant; Mochlica quantum intestinis molestiam faceunt, sæpè sæpius cum maximo patientis dispendio? Cantharidibus aut sanguisugis æque crudelia, ventriculum, intestina corrodunt, convellunt, terebrant. Ex insæctis vulneribus nisi protinus æger animam efflaverit, postea morbus, quam antè ferocior exsurget, quod asthma ticorum, quod epilepticorum exemplis comprobatur. Illi mochlicis, aut emeticis ad animi deliquium repurgati, paulò post iidem, quam antè malis tentantur. Misera fors medentium, nisi præ manibus habuerint salutifera præsidia, quibus tam præcipites, quam longiores affectus decimant, quibus tam in primâ, quam secundâ, vel in ipsâ tertiâ regione corporis hospitantes morborum fomites moveant, attenuent ac denique propulsent! hæc tam proficua medicamina sperant multi, ex aquis habenda, mercurio, sale, sulphure, bitumine turgentibus. Sed iis turpiter sæpè hallucinantur. Horum mineralium scotiae, non innoxie sumuntur. Tantum abest ut aliquando obstructions aperiant, quin potius novas faciant. Ex aquarum largiori potu cruditas multa, ex cruditate obstructio. Qui pauciculum senem, spiritibus defectum, per plures dies hoc potu mineralium aquarum fatigat, hujus morientem calorem suffocat, peringuit. Quæ ex mercurio nobis præstò sunt, remedia, multum valent, longius deportantur, abundè liquant, id concedo: sed maligna mercurii qualitas à nullo fuit hæctenus emendata. Si, pro indigentia, præmiseris universalia remedia, diætæ modum æger tenuerit, ex Diaphoreticis omne bonum consecutus es. Eorum abundantia locuples à naturâ & ab arte suppeditatur. Quot sunt stirpes ut Angelica? Quot salia fixa, ut antimonij diaphoreticum, ut bezoardica? Quot pulveres, ut qui ex viperis, Quot salia subtilitate partium spectabilia? ut quod ex cornu cervi, quod ex humano sanguine? quibus solis tempore & loco, vel cum aliis adminiculis diaphoresis excitatur. Horum usurpatione prudenti doceris, ut hæc faciliè lumentur, sine seditione corpus subingrediantur, mixta chylo, sanguini lentè vel celeritèr, paulatim vel affatim: quidquid in vasis sanguine vel lymphâ plenis, quin etiam in tubulis, in vîs nervorum inest viscidum, glutinosum, separatum, liquefactum ab iis, tum per cæcos ductus, tum per excrementa vasa victore conatu foras dimittitur. Qui statim à deterfio sudore nitor in oculis emicat roseus genas color vestit, blandus in cute calor apparet, Rhythmus in pulsu benè compositus notatur, quos sitis, fames, ad somnum propensio subsequuntur; hæc omnia significant, vias expeditas, liberos à vinculis spiritus, à lentore sanguinem mundatum: Quibus æger ad spem vitæ melioris erigitur.

## V.

**E**RRANT quicunque ventrem *τὸ πρῶτον* singulatim vocant. Errant & Medici qui tantum id fatagunt; fortiosi sint qui se, salutemque suam illorum curæ committunt. Ex superfluo chylo, etioris abundantius, esto plures in imo ventre nascantur obstructions, quid inde? facilius ibi, quam alibi, propter loci declivitatem, patentiores meatus, præsentiam remedium magis actuosam pertrahuntur. Non minor excernendorum copia per cutis spiracula, quam per anum & vesicæ

fecedit. Id constat experimentis. Hinc sexcentis glandulis aspersa èntis, quarum non aliud munus, quam feri, lymphæ separatio & exclusio. Quibus liquet, quod summa necessitas urgeat, feri, lymphæ vacuandorum. Salsâ lymphæ mordaxque, serum glutinosum, quod non coctum ab Hippocrate nuncupatur, aut quovis modo volueris degener, quot, quam sæva pariant mala; dicent qui lippitudine, scabie vexantur; Dicent, si majora petas exempla, qui rheumatismo diu noctuque cruciantur, schirro, cancro & aliis tumoribus cotripiuntur: Verbo dicam, ut multa paucis complectar, qui lue venerè inficiuntur. Sed his quam difficulter medemur *l'usage de l'arsenic*, malignæ febris causam arguit Medicinæ princeps. Illa non pluriès educto sanguine, non repetitis emeticis aut mochlicis curatur. *Que* tunc vitium adest dejectio, summa dejectio; magnam non fert vacationem. Tunc diaphoreticis pugnandum est. Hæc naufrago sola salutis anchora. Meliorem hanc, quam sequamur, viam nobis consuliolor indigat natura, quæ purpureis maculis hinc & inde prodeuntibus, aut ipsâ ponè aures parotide subortâ, latens virus foras evocat. Præsentaneam credas ferociorum ægritudinum Medicinam in diaphoreticis positam. Quid asthmate, quid convulsione, vel uterinâ suffocatione terribilius? Ipsamet syncope mortis imago est. Crudeles illæ affectiones, quibus tutioribus armis, quam diaphoreticis, aut quadam iisdem virtute succenturiatis, sedantur? à morbo nullo clades major mortalibus infertur, quam à peste. Bellua furens urbes vastat, provincias, regna brevi depopulatur. Si missione sanguinis, si purgantibus majoris aut minoris famæ belluam incensam sedare studearis, sævit atrocius in gentis humanæ perniciem. Si reprimi potest illius rabies, diaphoreticis reprimetur. Quisquis morborum historias nobis à Hippocrate relictas legit scit, oborto repente sudore ex ore faucibus ereptos. Qui dudum ægrotant urbis mœnibus conclusi nec porro sublevantur iulapiis, apozematis ad nauseam ebitis; cur, ubi primum in agris aëre liberi gaudent, sanantur? Nisi quod tepescens aëris clementiâ fluxilior illorum sanguis reddatur, limus imis collectus visceribus aëris ejusdem agilitate, subtilitate fundatur, reteratis poris excludatur. Quod juvenem nec à senâ, nec rheo, non ignavâ cassiâ potuerant obtinere. Non dissimile contingit iis, qui febre quartanâ detinentur, inclinante vere solent ii ab affectu respirare. Quare? quod compacta & altè partibus impacta fetmenta tunc temporis mirè solvantur, opus & miraculum esse spirituum, claustra mucilaginis rumpentium? Demùm si moeremus, ægrotamus, si lætatur, benè valemus, hæc unâ de causâ, quod moerore premitur sanguis, laticitiâ laxatur, explicatur.

*Ergo Diaphoretica Remedia, Medicina vis & magna potentia.*

Domini Doctores disputaturi.

M. Claudius Berger, à Regiâ Scientiarum Academiâ.	M. Ludovicus Lemery, à Regiâ Scientiarum Academiâ.	M. Henricus Mahien, Dotaria Regina Polonorum, Primarius Med. Præses.
M. Philippus Bernardus de Bordegaraye.	M. Petrus le Tonnelier.	M. Claudius Guerin, Rei Herbario Professor.
M. Jacobus Simen Gilles de la Rivière.	M. Jacobus Minot, Serenissimi Ducis Borbonii Medicus or- dinarius.	M. Ludovicus Morin.

Proponebat Parisiis JOANNES DEPINEY PESCHARD,  
Cenomanensis, Baccalaureus Medicus. A. R. S. H. 1701.

Apud Franciscum Muguet, Regis & Facultatis Medicinæ Typographum.